

摘藻堂四庫全書薈要

集部

欽定四庫全書薈要卷一萬三千三百五十七

集部

御製詩二集卷三十

古今體九十五首

辛未九

山莊起程之作

兩日山莊駐清蹕三秋塞獮發行旌灑塵細已霏涼雨
送爽輕剛值快晴背眄渝關千嶂疊徑穿澗水一橋橫
詎惟習武勤邊計欲答賢王愛戴誠

蒙古王公例於波羅河屯晉接即事得句

塞上秋蒐又隔年碧空爽氣正澄鮮仰流左谷右賢後
就日車塵馬足前望去圍場欣咫尺携來獵卒例盈千
一家中外非容易馭遠鴻猷勉繼旃

野花

野花不入嵇含狀有豔無名人詎曉露霏或比素蘭馨
風娜還過寶相姣未逢說項空奇芳荒原蕪沒殊不少
爾雅方言逮寓中寰海周禪誰則到叶匪直人也幸生
文物邦幸生乃至凡花草

涼

塞野度行旃，新涼馬首前。
近山嵐氣峭，拂草露華鮮。
催穀登場候，報人宜獵天。
欲詢民疾苦，村墅且停鞭。

入崖口

朝家重習武，靈囿成自

天。匪今而斯今，

祖制垂奕年。巉巖圍疊嶂，崖口為之關。
辟立衆山斷，伊遜奔赴川。
秋獮常經過，每為遲吟韉。
雙峰開霽烟，一水

流潺湲翠葉復黃葩高低入影妍去年巡洛伊伊亦有
崖口三塗及七谷較此夫何有一得考功詩贈正鄉傳至
茲我為是崖歎表章將待誰

詠畫筍

望星犀角形寓驚雷象齒文生莫訝疑疑寸許琅玕拔
地雲橫

驀憶韜光徑幽紺乳萬玉修修彷彿依根剝得猶看擇
嫩粉留

山雨

一片秋雲吐萬絲
山雨縈塞垣經已慣
立馬待天晴

檀廬

張拂常稱便止遷
隨所如天臨萬象濶
山入一牕虛罷獵
支牀憩成詩就燭
書泉明先得句吾
亦愛吾廬

曉月

曉月清可憐
塞天益寥朗
上下泉箔明
隱映林扉敞
遙峰似玉臺
古鏡大於掌
勒馬據崇椒
聊結廣寒想

讀書

張廬萬山裏展卷一牕下是中有深味玩輒不忍罷博覽謝彼能體認肯自借匪誇乙夜勤值此清秋暇

繡壁

夏山蒼蔚冬山槁惟有秋山稱恰好恰好秋山孰擅勝塞上峯巒出類表案衍神局姑弗云壁立萬仞凌參昴霜降不遲還不早此虎枝葉渲葩蒨紺黃纏絳間青翠天工設色非人巧益之盤桓食苹鹿雜以絃管啁林鳥

朝嵐夕靄呈變幻千態萬狀難窮討解衣磅礴而關生
過雲錦繡工杜老似是山靈有宿約每起予思於金顙
沈德潛進南巡詩章並所和詩至再疊舊韻賜之

塞山七月似三春竭詠賡章意倍親恰好清秋此瓊室

又逢南國彼詩人功稱德頌曾何益吏習民艱要並陳
節相老來還喜事為卿特地答筒筠

德潛居鄉每命書
撫代進奏摺詩章

是篇適高斌代為奏

至木蘭行營故云

忽憶勾吳清麗春底須南北較疎親重吟迎蹕篇中句

似有捉刀牀畔人

南巡諸作原難為工德潛老矣亦不必以是為工所進三十章似出代作

因深知德潛手筆故戲及之

百二十章心窟蘊

所和詩百二十六章則皆德潛所作非他

人所

甲乙丙夜案頭陳靈巖阿那青楓坂問爾孤登可

藉筠

即事

積日以為月積月以為歲積歲以為紀積紀以為世來
者雖可期去者不可繫一日復一日歲月如斯逝所以
古賢者不敢安玩愒為學戒一簣為政期兩濟而我竟

何成思之每深媿

霜

白點霜華增曉寒
翠峰幻出許多丹
機緘妙趣當前悟
繪事原應素後看

山果

山果韎韟紅經霜
甘且脆設使結炎方
離支譜應次

獵

豐草長林獸所都
時平習武試三驅
林霜始降鷹嫌葉

野露猶霑馬惜蕪豈必虞人竭陂澤未能君子遠庖厨
日斜頒獲惟城外惠逮惟均洽衆娛

析字

魚魯以形訛亥豕以義舛夏五及郭公春秋猶不免尋
章摘句流硜硜期致辨聚訟笑徒然胡不奮實踐

北天竺

塞山奇種異植茂密蒙茸神農岐伯有所未辨郭
璞陸佃夫豈能疏有倒生絕壁不與恒羣結子累

纍玫瑰鞞鞞其色而扶綠葉者問之蒙古不能舉
其名與南天竺子相類因名之曰北天竺而繫以
詩

佛說西天竺視如乾闥城而誰於卉物南東強借稱四
維缺匪宜朱穗百八盈儼從兜羅手飛來證無生北亦
有天竺吾今正其名是地秋嘗雪渥丹積素擎龍蓋滋
其蘄葉不改其青隱笑南方暄耐寒孰不能

宴蒙古諸部落即席得句

四野天垂連大漠三秋日朗徹穹廬藉茲牲酒聊歡衆
詎是恩膏漫頌予立馬看餘詐馬繼左賢賜已右賢如
不拘禮數敦誠意嘉爾風猶似古初

即事

即事摘詞亦可歡發清機不礙秋寒無塵雅似江南美
有地惟應塞北寬紅纈翠扶壁萬仞沙紫石絡澗千盤
儻教借得西湖水處處吳山足大觀

讀史偶成

盡道吾君不敢欺不欺君者果伊誰
禹臯稷契應無此
猶慮面從申戒之

於木蘭作

天文漏分野地志闕開縣博覽山海經
荒略一二見上
林牟內地木蘭闢塞甸中外久一家
敬奉金甌奠
單于讓牧場朝家置靈囿深戒武備弛
於焉習獮狩崇
岡既壇曼叢樾亦美茂以故百物滋取
豐留尚富

霜華霏漠宇窪稜紺絳斑蒙茸紫獼棠
八月披曉寒呦

鹿隨哨至樂此誠忘餐樂亦不可極於古戒遊盤

吳越近經巡山水信清美饒復藉人工未足云觀止隱
現固有時美善盡無比獨待表章人一為宣其理

宣理理乃昧紛然起毀譽不及無名稱故吾猶古初劉
羸今何有守禦長城隅長城更以外時來習三驅

繡壁琳琅標樂洞笙簧幽眺聽欣不凡發思凌清秋青
山生白雲雲去山還留寄此片時興萬劫高峰頭

觸緒偶即景得句恒因心中命鄒枚侶染翰賡予吟清

詞出衆表妙理入細斟寧無不盡意秘橐貽知音
帳殿張雁塞毳服蒙龍光嘉賓式燕喜乳酒湘黃羊錫
爵洽衆歡湛露流霞觴戒旨非所知古俗猶敦龐
楓葉續疊峻楊絲鎖曲隩動靜無窮觀智仁有餘樂佳
景四時宜最宜乃金昊曷其可久耽言旋勤政要

新月

魄彩吐寒空中秋月未中塞光偏覺異恒質迥難同結
念香聞桂遊睇影颺楓玉臺高倚鏡奩怕半猶蒙

暖

出哨剛逢暖

木蘭哨鹿之區或即謂之哨地云

皮衣易絮裳穀塲歌歲

稔菜圃慶秋長村景觀無盡予懷慰莫量浙東方告歉

南望為

去聲

民傷

木蘭迴蹕駐避暑山莊即景成什

山莊秋半饒清致六轡言旋自木蘭祇以行時修武備
肯教耽獵久遊盤雲如避去拖綃白楓似隨來嵌壁丹

新月過弦澄碧落要留此對玉輪團

特於山莊度中秋節故云

千尺雪歌

吳中寒山千尺雪自趙宦光疏剔之後膾炙人口
久矣然未免藉人工山莊之內有溪如建瓴置屋
其側冷然灑然噴薄之聲隱巘階泛瀲之光翻月
戶蓋塞地無畝平因其勢而導之吸川濺沫之勢
有不必以千尺計者獨喜其名因以名軒非云慕

蘭聊誌因王

問雪有聲聲亦有矮屋疎籬篴風後無過騷屑送寒音

那似琳浪喧戶牖何來晴晝飛玉花玉花中有聲交加

人間絲竹比不得似鼓雲和之瑟湘靈家雪落千尺亦

其素乃中

去聲

宮商勝韶護導之則來詎巧營即之則虛

堪靜悟跳波噴沫紛潺湲赴壑一瀉無復還借問盈科

放溟海奚如止坎渟蒼灣疊石開軒致瀟灑雪色簷端

雪聲下秋水之中有六鰲豈必學彼任公釣竿把陡憶

春月臨勾吳寒山疏剔傳凡夫

趙宦光號凡夫

聽雪信美未可

云久駐今來不假人力而得突過之仙區於焉棄虎跑

之石泉却惠山之竹牖謝南國之虛聲守北地之故吾
清風明月蒼山碧湖雖曠古而無聞欣始遇之迴殊

瀑布

繡屏開紫翠珠箔滴琤琮不舍赴川勢難尋出竇蹤光
爭晴雪落聲帶晚烟春可飲去聲書牌鹿每於松下逢

張宗蒼山水畫

避暑山莊題句

驛使傳來山水圖山莊著壁作清娛蒼蒼寫出遊神趣
往往逢於跋馬途石罅泉聲動亦靜雲涯峰色有還無

不難結撰成溪壑誰解如斯味道腴

疊中秋帖子詞韻命翰苑諸臣和之

秋中令節從來歌咏之場塞外靈臺自昔豫遊之
地此時此處寧可漠然載倡載酬堪云暢爾遂令
廣寒法曲音連三十年前肯教翰苑鴻詞格遜四
朝詩後萬家烟火隨民便而無改

堯模千畝山田報歲豐而有愉

任顧雕瓜繪餅塞垣節物增佳抹月吟風山莊慶宵莫

負底須五字輕嗤宋玉老兵仍叶七言可效韓偓
內翰莫嫌頻韻聊紀一時

風月湖山卅載閒今朝歌舞不宜刪姮娥也似添豪興
早上璇霄映碧山

最滿冰輪異樣光巖楓皆作桂枝香高低樓閣湖嬴聖
上下淪漣瀑學匡

鄒枚扈從集師師便合賡吟帖子詩翰苑從來紀佳話
鳳毛還在鳳凰池

依巖軒齋近水樓此間不易值中秋他年試覓新題句
應在千峯最上頭

中秋即事

慶月真宜避暑莊樓臺高下朗寒光一輪久照輝蓬閣
億載如恒祝

壽康不遣絮雲翳空宇早扶蟾魄上東岡野潭漱澹金
波湧何必平湖更憶杭

灤陽別墅作

校獵言旋駐葆旗蕭閒山館偶棲遲
明看綠葉添紅葉默識來時作往時
秋意已隨月西轉溪聲那共水東馳
虛牕點筆消蘭篆不構文瀾引靜思

野店

野店居安忘寄寓

塞外居民多齊晉各省流寓者

貧民生計自為謀漫

詢公賦如何納且喜山田薄有收
虎落編柴防夜迕魚梁疊石截寒流
稔秋村景方生慰轉念南邦又益愁

長城

埤垆棲巖障徒驚建築奇民膏真歎竭地險詎能持萬
里東西亘千秋鑒戒垂勝朝事修葺遐想嗟咨可識
戒嚴日已成失守時金湯豈云是在德有前規

湯泉行宮即事

返蹕駐巖阿黃花砌齒羅秋寒波自煖今憩昔曾過泉
石饒天趣琴書養性和數年纔一顧結構底須多

八月二十三日作

禮稱不用志終身八月西風最愴神

遺詔從頭十六復難言無忝

誨諄諄

御門日作

一二日萬幾勤政遵

家法疇咨內朝門封章待批答率由貴有恒龍案延黃
閣敷政權剛柔省身切兢業民風願還淳歲功期允協
每懷乃靡遂蒿目奈才乏

季秋瀛臺

素景仙壺異秋風太液多白輕烟歛浦黃重菊分科汲
古希韓縵惜陰懷魯戈池邊人字柳霜意又婆婆

季秋香山

秋蒐塞館詠卷阿迴蹕經時此偶過流景因思誠迅爾
好山奚必較如何泉聲聽比風聲冷綠葉看輸紅葉多
吟興縱饒佳句少蒼巖可惜費鐫磨

靜室題壁

望中山館紫雲連據座低臨萬景全因識不勞安得逸

無多樂後賸憂先
峰姿玉柱倚天外
湖色昆明落眼前
白壁居然題靜室
笑予無暇一安禪

碧雲寺

清暇停遊罕蕭辰
憩照園樹丹秋未
老室白晝餘溫幻
臬天衣縷靈淙石
髓源羔羊侍臣詠
靜寄合忘言

登碧雲寺金剛床塔

百丈之山延緣徐
步忘其高十丈之
塔矗爾拔地直上
乃訝高岩堯何況
窄堵迴據西山半
宜其下視無地上

已干青霄太行西來歷萬古杯水滄溟金彈吐康回能
使東南傾女媧誰見西北補我聞佛諦要令萬緣忘胡
為梵誌傳此金剛床高秋乘興一拾級目窮千里心萬
方今年登塔凡三度六和報恩皆有賦江山信美慮程
遙詎可頻頻勞六御因之念寄吳越間夏災數郡遭連
遭何能五風十雨斗米纔三錢惡哉吾治遜彼唐貞觀
讀唐太宗賜魏徵詩率題

翠濤醺醖成佳釀千日十年醉未醒

二語聯括
太宗詩句

怪底當

年十思疏未將惡旨動君聽

香山即景雜詠

好山豈慮秋光老洗盡餘華越雅宜興會悠然重九近
底殊五柳得詩時

坂霜一夜變新寒遊屐高低緬謝安藉第憑牕縱遙目
峰姿四面入奇觀

明牕寒景最宜人簪菊盆松淨絕塵博古未須誇獺祭
聽泉直欲息言津

九月九日作

佩萸把菊為清遊佳辰勝賞聊爾酬月日難逢九復九
嘯歌最喜秋之秋頭科誰繼孟江夏腹藁忽憶王絳州
登高曠覽吾素志民艱在目翻增愁

題董邦達居庸疊翠圖

近作燕山八景詩擬成長卷各圖之侍臣承旨開生面
又見巖關疊翠奇

具來粉本寫神能萬樹丹青續繡稜近衛皇州鞏北戶

底須乘傳擬嘉陵

繚白縈青直蘸萬螺蚶緣鳥道憶曾過彈琴峽口雙松側
勒壁詩應蔚碧蘿

過盧溝橋

風景石橋頭愴人是凜秋

丹丘瞻玉劍黑水度沙溝波幸今年靖民蘇昨夏憂導
川懷

聖蹟永定賴詒謀

秋麥

被隴新年綠意深
遠低村靄近迷林
晝花早識方宜北
氣伏還傳候王金
隅歲預思白餅熟
經霜不礙碧雲侵
鳴鞭見此芄芃者
又引先時望雪心

良鄉行宮疊今春韻四首

巡壁分明吟短句
停鑾小憶涉春江
離宮平楚曾何異
風在庭柯月在牕
數命行輿衆已勞
上

陵心切豈遊遨肯堂繼

志吾何有敢騁馳驅六馭豪

頻年展謁

橋山下未盡攀龍罔極情況奉

徽音申敬悃敢違一片奠椒誠

是役奉旨以值六旬行慶欲先

皇太后懿

謁陵

申敬也

山影橫西塔影南霜花遍野菊花酣詩情莫道因秋減
觸緒何妨即景探

即景

威紆屏障遠峰連
納稼村村薄有年
二百程途九秋景
兩行楊柳一衢烟
林疏日色來山外
葉墮風聲到馬前
西望

鼎湖白雲表憑輿
曷勝意酸然

駿馬

駿馬多意氣不與凡馬儕
馭娑避塵堦行空越崔嵬
夜玉裝羈勒秋金飾鞍臺
伯樂不常有誰識絕倫材
執鞭

非其人駒跳去不迴

曉行

遠戍依微辨長途
迤邐過人心思日出馬跡踏霜多宿
鳥喧村樹歸鴻下野河招提鐘送響
禪者逸如何

偶題

孔子惡佞者子魚以佞傳使之治宗廟衛祀賴以延祝
史貴正辭鮒也何有焉才取適其用德難期其全論人
可知世如矢愛昔賢

過拒馬河

潦水盡寒潭橫橋度六驂渚烟宜畫染旅景與詩暗岬
葦白無力崖楓丹欲酣遙源何處是重疊續雲嵐

秋瀾村

向野構離宮當秋駐行轡一水曲抱原千山遠橫翠石
橋凡幾度興會隨時異軒榭故好在琴書足佳致棲情
西吳景寄妙南華意

黃花

黃花鞠本色紅紫今紛羅亦如隱者流後世假藉多

易州道中作

曉日千村颺縵烟郵程廿里遲

去聲

鳴鞭逢迎田父多歡

色生計閭閻勝去年

易水流沙率不深潦收野渡那須尋荆軻山矗秋雲表
想像當年壯士心

納稼

納稼村村畢崇墉處處有秋成勝往歲二鬴足餬口而

何市頭價猶爾爭升斗計口百年滋近利三倍取譬兩
人背面各自東西走左者益以左右者益以右中間必
空虛實乏計善後逢歉輒踴貴遇豐難復舊叶而況豐
恒鮮歉偏易遭偶惟覺勞補救遑云致安阜父母之謂
何對民真慙忸

永慕齋

又已經年別難禁一夕情

丹陵明曉謁碧落九秋橫都是傷心處何曾繼

志成每來增永慕豈繫見齋名

恭謁

秦陵感成長句

曉月華霜靜玉墀

慈闈恭奉奠金卮申誠因值

六旬慶來謁俄經旬六暮繼紹未遑多仰愧熙和難致
切勤思

元宮一闕千秋隔痛憶當年攀戀時

夕

日落遠山橫蒼然暝色清歸禽翻落葉行漏遞初更檀
縷紫金鴨蓮英燦玉檠明當旋蹕路遲戀意難平

讀白居易詩率題

立意為平易虞人不知叟千載誦其詩而叟亦知否

書無逸篇因題其後

訪落殷憂慎始圖昌言一帙擬三謨為元后則時天若
知小人依所逸無享國明標四迪哲發端深致七嗚呼

詎惟尚父丹青繼信是千秋帝範模

董邦達輞川雪意

華子岡頭積素多蹊迷難訪故山過畫禪親許參神韻

畫禪室貯董香光名畫大觀冊首即王摩詰雪溪刻楮無煩較若何

張宗蒼蒼松紅樹

蒼松不共霜柏紅寒泉割壁垂雲空高人箕踞對清
畫靜會悠然爾我同

孟冬時饗

太廟

午門誅蕩鼓嚴晨

太室趨承倍敬寅
萬葉皇圖綿衣紹
六宗裡典肅躬親
黍稷以洽匪今慶
籩豆惟嘉依古陳
曙色溫暾儀告備
恰欣節應小陽春

圓明園畫禪室對雪有作

積素山逾遠寒侵夕
益餘節真應大雪景
恰媚名園鶴

訝翔松頂蝗知避
麥根竹爐新仿得

仿惠山製竹爐
收雪水烹之

活

火正溫存

偶為山水小幅兼題以詩

文石枯枝間

法

草堂坐來魚可俯滄浪烟雲堪悅吾情

性山水何知彼范王不有今人那有古設無閒者亦無
忙儒臣謾自誇多藝聊爾憑消幾暇長

冬至

南郊

齊宮聽漏卯牌傳法從晨趨燭遍田

大祀肇修陽始復藐躬對越志彌虔未臻上理常慙若
昭受鴻庥更湯旃慶值

慈寧開六袞合天下養福增綿

瑞慶詩六韻

有序

辛未秋彌塞上蒙古台吉必力深達賴以此來獻
色純白如雪目睛如丹砂抱朴子稱庶壽千歲滿
五百歲則色白此殆其類今年恭遇

聖母皇太后六旬萬壽適靈獸應時而至爰命曰瑞慶

而紀以詩

質稟庚辛色珠躔應壽星

天心慶花甲德產祝

慈寧豈意牲牲屬偏成鷩鷩形乍辭鹿食野可比鳳儀

庭性自仙人馴

讀如訓
見史記

圖呈動物靈無須稽獸譜永此

驗祥經

賜沈德潛

前席豈不佳別復繼其後江鄉已暮然幸此未為久在

汝申虔慶而我慮奔走松鶴老益健三千里何有祝釐
實攸宜詩人大椿壽

春帖子

壬日立新春重重吉竝臻百昌欣律轉萬福自天申
喧鳴臘鼓發韶妍遲日不慙颺瑞烟屏綵祥徵勝銀裏
盤辛芳獻頌椒前

除夜

嘉夜貞元會流年新舊分地爐添火坐爆竹達晨聞銀

燭玉蟲綴唐花蜀錦芬詩篇又成帙題此殿全文



御製詩二集卷三十

總校官庶吉士臣侍朝

校對官中書臣馮培

膳錄監生臣張孝基

欽定四庫全書薈要

集部

御製詩二集卷三十一



詳校官原任編修臣徐立綱

欽定四庫全書薈要卷一萬三千三百五十八

集部

御製詩二集卷三十一

古今體九十首

壬申一

壬申元旦

曙色昕昕杓轉寅青陽景運啟元辰祥徵仙木豐為瑞
善作心田福自申玉帛萬方咸奉朔惕乾一意永勤民
守成休息吾初志却愧仁風扇未淳

新正試筆

首祚韶年此日開敷天吉事與偕來綵屏誌喜翔銀燕
綺室知春綻玉梅協氣中和欽五位從星風雨驗三台
貞元消息如環轉省歲勤民又始哉

元旦宴諸王六韻

天下人增歲寰中物報春簋罇酬上日禮樂本彛倫大
典踈情誼內朝展燕親青陽欣序啟第祿迓天申映座
椒花麗盈庭鷺羽振和平歌斂福敷錫萬方民

正月二日小宴廷臣

白獸規如上日陳九經曰敬繼親親誼聯堂陞承

天貺化遜唐虞願俗淳實鵲占年祥壺富鴻龍運斗氣
和閭言言莫亟相稱頌同是吁咨籌治人

題文徵明小像

沈德潛持明人畫徵明小像乞
題句徵明故正士也怡然允之

飄然巾墊識吳儂文物名邦風雅宗乞我四言作章表
較他前輩慶遭逢

德潛更為徵明祠乞額因以德藝清
標四字賜之德潛額手稱慶且自謂

若非遭際之隆將同
徵明沉滯終身云

生平德藝人中玉老去操持雪裏

松故里遺祠瞻企近勗哉多士善希踪

張宗蒼蘭亭圖

永和脩禊會山陰畫本詩情足古今峯嶺當春多暖翠
林泉入勝有清音墨池誰繼跳龍法文席如聞倚樹吟
結構分明舊相識昨來飛蓋記曾臨

瑞樹歌

長白之山天所作隆崇案衍鄰嵎嶂衆水之源會其極
中產萬物兩儀神秀鍾於茲萬木傑池鬱爭長間年皆
在循蜚䟽仡時以上厥有瑞樹為之伯如星拱北羣所

瞻仰栖靈祇命圖以來真神奇畢歆河本鴨綠支船不
能進易威呼溯流而上乃至西埭墨勒溪威呼又不能
進捨舟陸行一由旬斯見瑞樹臨厓屢屢近樹無凡草金
光蔚敷披聳身三大五尺餘叶七分去二其合圍上分
十有二大枝莖葉輪囷各異姿其種有八若列眉松檜
白楊遮勒穆期紫樺白樺密克特木及白榆叶自頂至
根合十餘丈崢參差靈芝九本三秀滋是皆紀實非虛
詞乃信神壤天所秘未許塵世尋常窺大椿徒傳八千

歲較此奚啻父視兒特一瑞樹真足陵駕前古史所垂
宜乎長白之山開我國家萬年有道無疆基

重華宮侍

皇太后宴

初春景物望和韶繡衮承

歡載頌椒實錄重欣開綺甲瑤觴首介獻芳朝沉香火
底銀簧暖濃麝風前玉葉嬌願共寰中尊愛意千秋萬
歲奉

東朝

古榦梅歌

槁木中有生意存恰似一陽來地底初番花信小寒前
早綻梢頭兩三蘂獻春開歲報韶光玉笑珠輝乃纍纍
江南諸物都不愛僧寺瓦盆驚見此鉛華洗盡識真梅
鄧尉萬樹皆孫子鳳舸延賓攜以來添作佳談復爾爾
溫室開花早去年篩簷暖日明窓紙南暄北冷固常經
遲速隨時惟定理於何燦發先去聲江鄉消息誠難問花

史或云去年花有待南國今仍爛漫矣當亦偶然何足
奇聊為濡毫貌形似

賜顧棟高

老不中書尚著書

棟高雍正年間曾為中書

皤然鶴髮被簪裾澹辭

待詔來金馬榮為通經到玉除詎曰宸嚴常穆若欲諮
民隱便傷如題屏合倣王家例一語還淳足起予

文章風雅數東吳誰似沈潛味道腴為慕談經虛左席
用宏錫類慰慈烏從教馬鬣榮光貴要使蓬門義路趨

不是沈香呼學士貂璫扶掖重醇儒

古陶缶歌

鳥卵其形口在腹腹橢口弇德能畜製貽太古匪今俗
坎離既濟質惟朴用缶鼓缶義經卜渾侖善好無薛暴
叶土蝕萬年黜以穆壽逾金石貴珠玉簠簋敦彝下風
伏徒紀癸丁及仲叔陶於河濱此其躅承漿酌酒來百
福

董邦達秋山紅樹

雲表蒼峯迴不羣風翻紅葉落疑紛
盡禪慣解開生面
古淡中餘錦繡文

張宗蒼雪谿飛瀑

珠貝林柯簷蔔園琉璃殿閣玉為垣
飛流不共寒江凍
為識雲中別有源

雪

正月
六日

瑞葉舞風翔新年第一祥宵衣欣我慰
寶穡卜其康疎
密彌夏宇高低積素光試燈增玉麗
祈歲協金穰

時祈
辛齋

居

恰映宜春帖應成志喜章豫齊均待澤翹望徧江鄉

祈穀齋居

大祀重初辛清齋潔意身幸看田積玉恰應日臨人咨
政常多愧求賢若可親敬勤隨歲永憂樂後先頻

人日

相沿稱七日首祚應斯民恰擬陽初復欣覩物共春韶

英從舊徹

正月七日值國忌例
不設樂不特齋居也

屏綵展新陳靜驗冲融

志惟懷人者仁

命鄒一桂為設色古幹梅輒疊前韻

繪事設色久不為祇以節末非根底結習其如未盡忘
時復淡墨寫生蕊盆中古幹識春工不作尋常百珠纍
暗香疎朶五六丁叫絕梅花賴有此常見南極老人圖
鮐背睥面如童子我會其意不能工北門學士其咨爾
粉本略具試設色發墨更喜宣德紙西清渲染不多時
已為華光傳妙理富麗何須百首詩詭竒似閱千年史
桃夭杏豔誠彼哉漢栢唐槐視此矣歌成大笑謂小山

無乃爾為太相似

偶題

殘冬間

去聲

懶吟篇春來興發言泉佛法不虞爛却詩裁

想亦云然

詣齋宮作

祈穀鑒儀穀日排齋宮咫尺致虔齋試燈風景皇都麗
返樸還淳為切懷

銀色界中憑玉輦天膏濃處沃心田千門萬戶瞳矐日

並作祥光與瑞烟

和韶九陌靄氤氲一雪從教物盡欣無象太平真在此
豈關頌語飾繁文

瞻禮

皇乾殿

本朝

壇廟仍前明之舊百餘年矣因命次第重脩適

皇乾殿工竣

祈穀預日例本應躬詣行禮載瞻枚實用愜悃忱七字
成詩千秋示志

郊廟規仍勝國遺百年應事鼎新之

三朝有待非從簡此日無遑敢更遲經始次當

祈穀後落成恰值預齋時式瞻輪奐申初敬志切康年
鑒在茲

祈穀禮成述事

首歲欽

元祀惟

天降百祥始升顯夜氣告備霽晨光志愜羣寮慶心殷
萬寶穰春祈十七度久敬敢云遑

重華宮小宴大學士及內廷翰林諸臣

重華文宴集羣仙瑞映瓊樓霽景鮮民瘼心關旣均此
天恩額慶合同然閒拈吟管聊酬節笑指春樺又隔年

去年南巡
未舉是宴

賀監金門重應制致予逸興益飛遒

沈德潛
尚未南

歸亦命
預坐

莫開十葉應昌辰和會衣冠燕愷申生面齊看戲毬獸
別裁奚藉捉刀人毋相容易一堂樂尚共疇咨四海春
嘉夜傳柑遲五日冰輪如待載賡頻

雪獅聯句

御製精瑩玉質狀昂藏似虎如何不正黃占吉辟邪誠備
德

懷仁感澤自含章騰空瓊島凝天骨蹲踞寒坪閃
劍鋌前耳濕時如拂子

臣史
貽直

白毫淺色似針秧康

居珍遠留唐賦王會朝正比宋坊詎可擾馴因號

國

臣陳世倌

略施搏掬只依牆金毛種類何緣別白澤

貞符尚可詳皓體忽看呈兀兀

臣阿克敦

御製嚴稜益覺厲洗光一犁曾並來疏勒六出剛欣舞載

陽奚必周詩羨麟趾

合教垣宿應金芒迎年儘見千門戲職賦無勞萬

里航擬以白超真彷彿

臣梁詩正

貌來烏弋重評量靈

通手底嗤塗墨素積天邊異朶糖鈎砌粧成偕獸

舞

臣蔣溥

玉墀擁護絕鵬翔凝然豈識拋毬引塊爾

無妨擲戟搶氣噤反唇含霹靂

臣劉統勲

御製凍乾強項挂鈴鐺詎同獬豸供人弄却避蝗蟲兆歲

穰乍睽星晴飛列缺

偶掀黠鼻鯁狼臙鋸牙一一排銀爛鈎爪森森浴

鐵強飄絮從看添輦毳

臣孫嘉淦

形鹽端可傲硯霜出

林有勢平跳躍伏地無聲遠却懷華薩七毫原是

夢

臣汪由敦

釋迦五指若為狂照書足貯彭亨腹觸佞

常留潔白腸瓊苑高蹲疑瑞鹿

臣嵇璜

御製瑤階特立想神羊具威喜怒看首尾善吼色空演幻

常搏象兔均全力注

角魚龍戲廣廷張貼來紈剪西鰲屬騎出奴翻假

面涼安息天高還帶露

臣介福

曼殊座冷不飛香珠

垂瓔珞留金殿色借牟尼護寶床煙罩化為藏霧

豹

臣嵩壽

月朦認作失林麀齊檐競訝來深巷埽徑

新堆集廣場天闕分形高岌岌

臣董邦達

御製
崇牙並列猛越越茸蹄却遜隃騰迅而尾猶蕤閃灼

光砌塑爭聽兒女鬧

詭竒可使豹狸僵似聞憲宰雄羣鷲欲奮之而震

遠荒鱗甲紛從玉龍舞

臣沈德潛

規模學得土牛褒

英恍惚銀泥印清冽胚胎水玉相簇簇簾前多抱

子

臣錢陳羣

皚皚石畔儼成行殘雲猶與添拳鬣晴旭

初驚射怒睚道溯越山兼越海

臣錢維城

御製
兆覘時雨又時暘猗猗寧豈必歸全幻融潤還因濟太

剛慎德不期西旅貢熙春樂事報農祥

沈德潛和韻有林壑已安仍戀主潞河歸棹敢云
遄之句因疊前韻賜之

人間果見地行仙鷁鷺行中鶴羽鮮恩許追歡謂恬若
情殷惜別乃淒然此人此語仍如昔吳水吳山正有年
分付春風莫相忘好吹帆影再來遄

再來應是歲庚辰

庚辰為朕五十萬壽年曾與
德潛訂約屆期來京慶祝

珍重高

年命屢申早識雲卿擅當代不教疏傳獨前人華茵聯

句朋猶昨綺閣懸燈物共春眠食倘彊思亟見宴陪撒
荔莫辭頻

新春奉

皇太后駐蹕圓明園

西山積素見龍從六出重欣旋舞空景益上林初報喜
吉占多稼敢言豐行春玉樹銀花麗侍

輦千秋萬載同却指鼇山成隔歲青郊燈事記途中

去春

因南巡燈時
未至園中

曲宴外藩即席得句

朝正肆覲集賢王宴錫優駢制有常藉爾屏藩寧北塞
贊予垂拱迪

前光圓廬寫月紅雲擁廣樂熙春紫鳳翔三爵油油稱
既醉有人頗會漢文章

雪後萬壽山

雪色由來無不宜最宜玉巘疊參差新年行樂來初地
應節占農喜及時晴靄未教融凍浦春風已覺綻南枝

歲華合是依清曠
綈几瑤篇為少遲

宴準噶爾夷使並許觀燈

典屬宣夷使觀燈
錫寵榮銀花爭雪艷
火樹入宵明常
凜勤邊戒聊通職
貢情羈縻西旅族
邇亦解朝正

上元前夕

讓月魚雲朗慶霄
太平燈節九瀛朝
恒春樹擁三山近
不夜花開萬朶饒
疑有仙人來貝闕
又聽樂府按雲韶
冰輪遮莫分毫欠
禁弛金吾第一宵

上元燈詞

高揭冰輪朗照空晚來又定紫瀾風今年燈景增妍麗
都為含花雪告豐

一綫烟光萬景舒紛垂銀蒜復金蕖烏斯藏使剛陪宴
西域燈輪說不如

虹光百道絳霄流山外珠林水外樓即景銀牋試題句
團圞寶月正當頭

雪餘玉樹釀微寒燈火南城夜未闌寶馬珠簪明月裏

踏歌聲喜遍長安

行春去歲憶南巡郊野煙花亦可人
今夕縱饒宮蠟艷為田那忘覲光民

燈影遊絲簇畫圖合教麗句叶笙竽
詩人老去耽清澹

那更繁華憶舊吳

謂沈德潛

巧匠裁羅更剪綾爭奇裝作上元燈
逢歡轉念還淳責不道當然道未應

御園燈事乍經年鶴醵鰲山倍覺妍
舞作太平天下宇

敢忘夕惕與朝乾

上元後日小宴羣臣並命觀燈

一葉瑤階報落棠流陰瞥眼信無停頗饒逸興留哉魄

莫遲

去聲

連吟負始青雪朗西山送寒色花輝東壁發春

馨文筵例繼上元夜好駐清光筆有靈

直廬何必擁青綾上苑相將玩影燈適值萬幾方少暇
漫誇百穀已成登鼇山鼎鼐須臾駕雁塔光明不計層
為問四明歸賀監踏歌應制可重曾

題漢玉壁

藉甚結璘車飛來古月如吉雲常暎護精氣早含儲佩
德思無數不雕質有餘永惟君子貴詎止重瑤琚

詠芝

瑤光飛景彩協氣凝祥產九英標翠柯三秀成金篆漫
言龍馬如詎必石木辨招隱結遐思求仙率荒誕德至
則何有老養斯方勉

題莫景行西湖草堂圖

驚望湖山有所思遙情千里座中移玲瓏更見雷峯塔
喜未曾經劫火時

隱君

景行

外史

張雨

契知音供養煙雲寄靜心我覺明湖絲

竹闌同然先得畫留今

山東得雪志喜

青齊去歲歉晚收所希小稔登麥秋屢聞三白欠冬月
惻然南顧心懷憂浙東況復災較重朝夕蒿目無良謀
截漕已過三之一太倉所資命亟留邇來入春纔數日

瑞雪頻見霏皇州一以額慶一以望不知近遠均霑不
忽傳大吏報得雪云始齊莒逮魯鄒遺蝗入地無復患
舉趾足可興鋤耰嗟我灾黎庶少濟用此稍慰舒眉頭
慰餘展轉愁復繼至今溫台米價涌貴無停休

晴

雨雪旣霑足春日喜載陽盎盎融朔氣霽霽舒曦光候
占驚蟄屆東郊舉趾將宜暘適惟時額手三農慶而我
有厚慰北望恒皇皇塞垣拂廬族生計惟牛羊當春草

未萌所慮風雪涼冰旬孳畜凍往往為災傷內外皆我
民胥願獲安康彼此異苦樂兩得斯為良而恒不可得
幅員廣且長兼或同一晴片時心萬方

觀近稿偶題

年來微覺賦詩多即景還頻選字哦業就無妨姑且置
再繙或已忘如何鯨魚碧海非吾事華日卿雲慕古歌
只有勤民心可驗時時憂樂寄書禾

丁雲鵬掃象圖

語言不著坐金神掃象真乘示應真法供是誰稱愜當
紫檀軸首白檀身

文嘉支硎草堂圖

山水清音草木馨傳神不問識支硎蒼巖阿那雲深處
我亦微吟得少停

青蓮朶

客歲駐輦杭城偶於宋德壽宮故址尋所謂藍瑛
梅石碑蹟碑尚傑豎梅已槁仆而其側猶有摧萎

靈瓏碑兀刻削者一峯存焉撫摩良久迴鑾後地
方大吏竟以舟便致貢念事已成留置御園旣悔
曩時未頒却貢之旨轉思此石之來將毋惜江樹
之頽懷碩果之歎耶名之曰青蓮朶而繫以詩

化石玲瓏佛鉢花雅宜旁置綠蕉芽皇山峭透房山壯
兼美端堪傲米家

傍峯不見舊梅英石道無情亦愴情此日荒涼德壽月
祇餘碑版照藍瑛

梅亡石在石誰憐碑蹟長從梅石傳石過江來碑獨在
江梅春到總依然

烟霞飽領西湖秀風月新叅七字吟一晌閒庭憑峭蒨
吳山重為寄遐心

刻削英英陸地蓮一拳提示色空禪飛來鷺嶺分明在
幽賞翻因意慊然

填倉日題

焰炮春鐙雪埽花六街人尚戀年華昔傳端識今堪例

開後從看靜可嘉十字雲腴謾說餅一盃露馥且分茶
拈毫即景艱成句慙愧詞臣頌八義

前題又作

春雪旣霑足宜晴宅萬彙和風不鳴條澤潤遍大地此
日稱填倉俗例有深意于耜舉趾時預籌一年計九州
足倉箱萬民無一事生息滋以繁日給尚虞匱豈易得
餘三虛置倉中積益凜祈年心庶可徐言治

初春遊玉泉山即景五首

春雪初消嵐翠蒸玉泉報我景堪馮青龍橋畔纔清蹕
興到烟霞最上層

村路紆徐塍疊鱗土膏脈起不生塵柳將開眼花含蕊
雅似江南二月春

溪畔機房桑柘扶水田新闢治萊汙欲因幾暇頻來往
好閱天然耕織圖

構築精廬仿惠山竹爐清伴片時閒名泉有德無分別

豈較尋常伯仲間

去年品泉以玉泉為第一
惠山為第二故戲及之

碧泓春水映船脣，別院韶光已可人。
江硯宣毫供即景，却輸開府擅清新。

正月晦日作

春氣和而盎，春郊蘇以滋。
階蓂全落日，輪桂揔時華。
節堂堂過條，風漸漸披凍。
開明鏡影芳，洩綠楊枝代序。
真堪念健行，勉自持摘詞。
荅韶令誰繼考功詩。

題張宗蒼雪景

紅樓疊樹玉交枝，石面皴銀瘦益奇。
習靜已看僧戶閉，

衝寒偏有客舟移飛流破凍垂深澗積素因風墮側陂
想像行人迷竹塢幽居何處認茅茨

賜別沈德潛南旋之作

聞道冰開潞水隄歸舟無那挂帆溪剛欣西苑重酬倡
又向東風惜解攜杜老終懷故鄉樂謝公曾眷友人睽
百寮儘有懸車者囊載宸章孰爾齊

宋瓷鼎

見說輕堅大邑瓷幾曾髻壘匠師嗤餅盆徒供家人饋

均汝遙傳脩內司無益害功伊古戒太烹養聖繫吾思
穆然葆采陳棐几介紹鳧蹲與鳥爨

仲春齋居

閏餘節令早仲月氣已和春草吐新色春水生微波土
脈既欲動舉趾將日多祀典卜上戊於古重祈禩宿三
此預齋志一戒貳他安能忘九寓屢豐願則那戶口况
日增穀貴理亦宜^叶逢年惟苟支失秋饉遂加^叶調幕
增已慙填壑憂民瘥

唐人江城春午圖

江城若為好春午最相宜素絹成圖日青蓮得句時花
光漪錦浪晴色裊遊絲竭憶潤州北居然坐對之

恭記

社稷壇禮成述事

舉趾東郊農務臨質明承祭典

居歆春祈秋報從常典民穀王封合並欽方俎備陳肥
臚物崇牙疊奏太平音潔觴三獻昭和鬯德養方占歲

在壬

春仲經筵

間濶經筵意未安

去歲以巡狩未舉是典

東風廣廈集儒官不惟

勤學因時勗要復存羊俾後觀制事期無適莫見知人

更念惠懷難

是日講尚書知人則哲四句論語君子之於天下也一章

春卿儀注百

寮式詎道從容禮數寬

玉鵲

此鵲惟神鵲其鳴不浪鳴真看以玉抵豈是啄槐成善

肖彊彊態空傳喑喑聲翩翩在懷袖占喜愜人情

仲春瀛臺即景二首

冰開太液試遊龍鏡面樓臺瑞靄重傍岸青含新芷刺
隔林白引曉烟封都來幾日因循過便覺芳春次第逢
緣底行時今歲樂東郊雪後土膏濃

柳生稊際花含蕊花柳相宜爛漫前綠渚浴鳧新樂趣
玉梅落瓣舊韶妍輕寒不勒萌青草細響纔淙帶碧泉
與物同遊春浩蕩奉時布化協天權

承光殿

朶殿中間埤堦高光春臨眺興因豪庭前檜匝陰千步
隄外船添水一篙機暢鳶飛與魚躍景明玉螭復金鼈
低雲又隱西山色好及耕時潤土膏

題錢維城蒼崖烟磴

疊磴平懸若可登連林霞蔚復雲興箇中似礙窮遙目
擬據千峯最上層

命加賑浙省去歲被灾州縣詩以示意

兩浙去歲災東較西為甚嗟嗟我黎民啼饑缺餐飪石

粉聊充餓因以致病瘵

金衢山中育石可為粉饑民有碾以充食而致病者

疾苦

欲盡知終夜不安枕救災無奇方屢留太倉稟晚秋縱
稍獲舖啜僅餘瀋青黃不接時艱食行哀諗申命地方
吏吾意其悉審食爾無安肉衣爾無安錦為民之父母
曰惟爾及朕子餓父則飽於心其奚忍叶賑濟期雖溢
更發我倉廩博施慎無遺庶蘇彼憫慄梗概示端倪施
行尚懃恁人力惟小補仰望早稻稔

春雪

北方多春雪宜暄不宜冷著地為新澤灑空帶輕影東
郊麥紐芽遙看青被町過虞凍孚甲吾心為耿耿晨興
對時晴

王羲之快雪時晴帖墨蹟每於雪窓展玩故云

評書酌清茗

晴

雪化疑春雨風和湊午晴如酥千畝潤似毯二年萌允
協時平秩還欣物向榮明朝西直外憑輦閱新耕

詰

暢春園

皇太后宮問安

經筵祭

社勅春官數日仙園闕問

安敬悉

起居增慰藉對時撫景總生歡

御苑韶光已不遲山隈欲綻小桃枝更將來隴青蔥象
奏博

慈寧一笑怡

昆明湖泛舟之作

春舟泛春水如友邂逅新左右無不宜行止咸欣欣綠
蒲未隱岸白芷纔刺潯鏡影涵疏峯濯濯亦可人旅雁
自南來沙渚相依親明朝還北去迴望瀟湘雲

山桃花

江北桃先杏江南杏先桃月令及花史定論終訛淆邇
日多東風火迫洞口條絕勝纔依依何必競天天兩年

御苑春往往途中拋

前歲巡保陽
去歲巡江浙

臨芳思倍佳斐然命

宣毫

賜題夜紡授經圖

索觀錢陳羣香樹集有題其母夜紡授經圖慈孝
之意惻然動人且以見陳羣問學所自來也輒成
二絕句題之

篝燈課讀澹安貧義紡經鋤忘苦辛家學白陽諳繪事
成圖底事待他人

陳羣母陳
氏善畫

五鼎兒誠慰母貧吟詩不覺鼻含辛嘉禾欲續賢媛傳
不愧當年畫荻人

偶閱左傳宋楚泓之戰事因題

阻隘鼓僥雖失正徇名昧義詎非癡經書明鑒傳千古
識務通權用者誰

雜詠

天下非常事可一不可再做之善已差不善翻致敗如
彼西施顰效益增醜態真宗封劉氏所累君德大李沆

焚手詔不計已利害臣沆為不可老臣實忠愛意直詞
則婉君子其言藹神宗勅吏部久任示規誡因納御史
言撫鎮數進退責成戒紛易政要庸何礙而胡王家屏
封還博佳話黨同庇其私謬謂國體賴柔懦權下移國
體益大壞明不旋踵亡其忠乃安在

題漢玉印章

紐篆見炎劉圭璋德並儔龍文席筍煥虹彩屋梁浮不
見雕鏤迹欣供什襲哀遐思元凱後又遇十人周

向藏
秦漢

欽定四庫全書

卷三十一

印十六枚為一匣曾題詩有如逢八元凱可不共疇咨
之句茲閱數歲又集此十枚為一匣藏之故末句及之

御製詩二集卷三十一

欽定四庫全書薈要卷一萬三千三百五十九

集部

御製詩二集卷三十二

古今體九十七首

壬申二

花朝

九十春過半花開未一分春光信不少假藉花事胡乃
偏逡巡含胎紅杏潤曉露綻蕊緋桃烘暖雲去年此日
江之濱廣陵節物撩眼新繁絃急管頗覺鬧雪梅水仙
別有神朝來更不宜樂部清賞轉憶邦江民

水周堂

湖上構洞軒四面滄浪意憑欄
牽白芷沙棠不須試卧
波虹飲練倒影山澄翠
怡性翰墨芳樂志智仁備水周
擬虛舟淺言具深義
常凜荀卿論匪慕莊生致

雨

江南春盼晴冀北春艱雨損彼益此間
兩地均得所族
雲邇日濃脈起東郊土勾萌含潤澤
韶景滋和煦朝來
霏細絲樂趣同農父
濯枝聲不喧津莖葉初吐園林致

益佳大似吳江浦或云翠華旋風氣隨來叙其然豈其
然予惟勤相輔

張宗蒼絕壁精藍圖

棧路盤紆倚詭峯紅樓四面翠重重山僧謝絕人來往
為好安禪制毒龍

兩浙歎

兩浙去歲夏灾重隰田龜坼艱耘種穀貴民饑俗不恬
底怪閭閻多盜鬪救荒籌策詔頻頒發廩通商留漕貢

復念任卹亦小補好施授爵勸素封昨聞冬月過陰寒
冰阻長河盈尺凍凍開旋又愁水缺粟船淺澀難浮送
邇來春雨云漲增更苦連縣致霽凍亟待晴和資發生
南望宵衣增惻惻吾民何辜屢遇阨縱施人力難為用
民情豈能免怨咨益慮傷和深內訟調幕無能繫誰責
自知奚待風人諷

清明

輕雲暖日仲春天杏酪風箏節物駢桃欲亞枝齊帶露

柳猶藏葉半拖烟長隄罨畫青連墅新水連漪綠映船
最似江鄉寒食景略迴清憶動經年

題居節畫楊繼盛小像

有生孰不惜華年生死還應義以權遐想臯夔千載上
豈辭龍比一身捐鬚眉正色真無忝史策芳名歷久傳
西市從容吟四句丹心浩氣至今懸

詠玉韞

繕人規制玉人為彊沓閭抨是所資不稱每羞童子佩

如磨常憶武公詩底須象骨徒傳古恰似瓊琚匪報茲
于度機張慎省括溫其德美信堪師

董邦達山水

峭壁倚天拔水崢嶸氣概大奇胸中設無萬卷生面安
能爾為

仲春展謁

東陵啟蹕之作

寒食由來拜掃傳

橋山東望拂征鞭便從省歲耕耘始不為行春景物妍
聖祖恩勤思永世孫臣展謁隔經年鳳城趑曉纔清蹕
心在

丹陵白水邊

慈雲寺

宛轉楊柳陌荒涼琉璃界棟梁靡子遺墻壁餘半在云
昔香積厨祝融偶不戒赤幟勝勢張水雲下風拜焦爛
無其人一舉致大敗放叅僧盡散餘者三五輩借問四

天下有象孰無壞譬諸鳥棲林林空鳥相背曲突善後
計彼方謂蒂芥道左龔檀那識之尚未逮

過通州浮橋即景雜詠

飛梁駕水響梢東轉漕連艘此處通南望江鄉渺何極
遙源猶憶自雲中

汀蒲岸芷染煙光仲月融怡麗百昌依舊廿年寒食景
吟髭贏較幾莖長

郡城塔影落波尖生齒休和日日添纔命農官出紅朽

頓教米賤樂窮閭

近釐太倉夙弊因命預給臣工
二年俸糴京師米價為之頓減

來往艤艫藉底因陽闕唱處解維新便教一晌思南客

豈必九重無故人

謂沈德潛甫
由此南旋

麥

春麥一寸及秋麥二寸強青青遠近連撲攏含煙光土
膏潤且肥曉露滋新秧北方春雨艱風鼓塵霾黃今歲
幸免此滿望餅餌香還戒望過奢芒種時猶長

烟郊行宮偶作

虛館向明開停驂適可哉偶然成小坐便覺淨浮埃村
遠遮蒼靄庭閒繞綠苔所欣勅幾暇書史足清陪

見新耕者

青郊土脈滋良農羣舉趾年麥出土新禾黍佈種始犁
耙呼旅亞饁餉來婦子勤劬衆力作豳風圖在此民依
我先知見此寧無喜

村田即景

暢好春天特遂情鳴鳩喚雨鵲呼晴柴扉半掩無人管

趣潤郊原盡力耕

瓦盆家計屋茅茨服穡初無分外思
雖較江鄉少花柳古風敦朴孰如斯

遍壠雖欣茁好苗三時秀實尚迢迢
四民真是農偏苦忍更繭絲重賦徭

白澗行宮晚坐

下春隱西崦密雲生北嶺行宮已清佳
况近招提境致兼松竹幽意與琴書永
去住惟所如今昔觀平等隔牆

聞鐘魚可以發清省

薊州道中作

江南二月雨吹絲詩憶司勲想像為

最似江南二月時
丁卯薊州道中句

也時尚未至江南故次章有江南二月我豈知杜牧詩中彷彿之之句

去歲江南今薊北

較量親切勝年時

旱田種候水田早黍稻高低物土分廿里官街塵不起
又看四宇佈春雲

勝國三邊重守防嚴城樓櫓監興亡於今祇慮民滋庶

到處縈懷耕與桑

題翠雲山房二首

地據隆中秀盤盤詰逕幽心依清略永神與靜為謀山
雨寒徐點春松翠欲流樓橫天半舫可以縱吟眸

杏嶺嫌山雪鶴彈綖嶺風琴音淙曲峽葢影羃層峻勝
地棲遲暫他時想像中何如消萬慮結念屬雲空

翠雲山房杏花盛開用鄧尉香雪海歌韻以去歲
今日恰在鄧尉觀梅也

山房駐輦息金吾山房重來如到初東風花事正絕勝
南梅北杏言非誣倚巖扶巘致各別笑雲烘日顏齊舒
開不在先亦不後蓄眼似有神為模七字未可擱筆罷
六飛匪為臨芳紆應時即景便且近還羸江國遙征途
底須肥瘦較品格均有蜂蝶紛來趨滿山紅雪香未歇
王母嶠山致饋餘勃窣雙成引嘉慶琅璈雲瑟為聲娛
是雪非海亦非湖仙山自與人間殊儼如佛拈色空色
更欣天假需雲需晚來應有養花雨隔窓點滴參清踈

鄧尉擅名二千載未如幽谷偏高孤興來摘詞為說項
去年此日剛臨吳去年此日剛臨吳勞勞來往何為夫
春夜

清切宿山房松風衾枕涼明朝將展謁頓覺此宵長
恭謁

孝陵

景陵感成長句

靈區鬱護瑞雲霞展謁經年黯自嗟百世聰聽

彞訓在

二陵顚仰

聖踪遐繼繩有繫心彌愧悅養無方敬倍加白髮朝臣
曾逮事追惟誰不淚如麻

桃花寺

峯屏障風暄磴道盤雲密當春花盡發邂逅停行蹕洞
軒坐霄漢幽泉中音律極目偶憑窓會心亦點筆山寺
非溪源遠塵致則一

駐蹕靜寄山莊

翠罽逶迤展謁還，便經靜寄款雲關。
芳菲好趁三春景，刻削來看四面山。
未敢居崇事遊逸，聊因幾暇暢躋攀。
清宵暫得塵心靜，物理民情酌此間。

不因日涉還成趣，却為山佳每竭來。
槩几宿緣竹書展，膽瓶清供杏花開。
能言春鳥呼名字，罨畫林雲自往迴。
天籟吹香如鄧尉，誰能到此更思梅。

山中

騁懷命筍輿點筆倚雲嶠石白無俗韻松蒼有古貌春
深峯翠遲風勁衣寒峭寥朗極遐觀籟奏蘇門嘯

半天樓望少林寺

雲構倚天幕霞標據月窓臨虛茲獨迴攬景信無雙塔
影林端矗泉聲澗底淙問伊茅屋下居士可稱龐

露坐

露坐盤陀松作陪羗峯寄興凌崔嵬天風拂紙吹題句
疑有蛟龍陸地來

雲林石室

蘿逕延緣意入松扉窈窕神謀小坐還憑月戶忘懷如
泛虛舟庭前篆印鶴古階下琴調澗幽似干雲霄而上
宜遇松喬者流

得概軒

每到靈區意欲仙四鄰山秀望中全雲端曠興軒疑畫
樹杪高低圃是懸巖栢翠常標古色林花放不入時妍
東坡大略觀無盡明月清風我與然

東竺庵疊舊作韻

嵐氣翳承貝葉經巖風謖護玉闕局天龍却埽維摩笑
延我雲房坐少停

隔寺春松翠出牆四鄰峯態映方方博山鑪是炎劉物
古佛前消一炷香

心機靜處峯當戶耳觀清時泉繞階今昔何須叅歷歷
對山不異樂山懷

雲淨寺題句

禪關東竺東蹠馬路纔通嶺亘遙分谷天高不礙風玲
瓏思雁塔寥寂守龍宮一室無餘物仙花落半空

少林寺

我愛田盤愜素懷
鼓林往往入幽佳
鳥啼花落禪家旨
雲白松青靜者諧
有所會心常命筆
無多得句也鐫崖
山靈莫笑輕唐突
會使羣峰一例皆

半天樓小憩

遊山取適興興適薄言轉山樓近雲匡小憩脚復善却

指向歷處林路依微辨將毋志近荒陳編一開展

春曉

西魄未隱峯東暘剛出谷居山曉尚寒問景春已淑花
沐露濛濛草霏風馥馥倚楹旦氣清遊踪漫追逐虛已
勅萬幾厘心籌五服雲罩鐘遲鳴山僧想眠熟

天成寺

澗道繁聲隱石泉寺樓據勝坐來便千行峯樹全標畫
幾個山僧不識禪入目景光渾似舊得心興會每殊前

題崖綠字烟蘿蔓此日拈吟復偶然

西甘澗

雲棧下石門風寒衣袂凜精舍縛茅為閣黎任高枕莊
嚴無餘物貝葉置諸品是為本色禪隨喜意愜甚地僻
泉亦甘可以酌而飲

東甘澗

座席飄來花雨香偶叅白業憩雲房春翹饒有芳菲好
却愛松陰滿院涼

古中盤放歌

穿石逕造盤之阻宜誰居兮化人所初極狹而中宏遂
暢觀而延佇春卉昌昌春山蒼蒼卉依山古山含卉芳
鉛華洗盡饒本色南國猶嫌時世裝去歲華山躋鳥道
一與田盤較姪好怪予到此又云云惟喜目前堪絕倒
嵐態峰姿無定則神心謀靜翻為役有時落筆數十章
有時一句渾艱得

雲鶴

雲鶴盤高空聲落半天中可聞不可見時或山中逢本
無稻梁求豈有矰繳攻馴鶴爾胡為鍛羽入檻籠饑飽
繫主人侮弄任奚童仰首望雲鶴何從較窮通志未慎
其始境安保厥終

竹

作友巖松靜且深因風戛玉復撝金數竿瀟灑意彌足
千畝何須憶武林

泠然閣

石詭松益奇山峻風偏峭披襟坐虛閣天籟動萬竅偶
此方外方究其妙中妙

雨花室雜詠

石磴攀蘿步入深精廬瀟灑晝沈沈不因詰曲逕千轉
那識高閒一晌心

抱石孤松若箇栽翻濤謾謾掃香臺興豪擬問維摩詰
滿室天花何處來

構築無多足暢情一窓山翠映人清濛濛常自霑衣潤

又見春雲傍嶺生

虛齋四座淨無塵迭與名山作主賓箇裏參禪真恰當
笑予不是得閒人

謾題

使者初從南國迴會稽米價尚高擡吾民疾苦心常惻
慙愧歡迎去歲纔

即事

轉漕來南方以詔卿士祿詎止贍仕者流通逮比屋太

倉陳相因因緣竊饋伏昨歲兼偏灾致湧厯間穀爰貸
兩年糴連延出困鹿一以清倉儲一以平市嚮詔下纔
數日歉歲如大熟米價日以賤窮民樂鼓腹黠者變其
言謂須籌盈縮目前雖暫快明年貴仍速況此奸僧計
將盡糴官粟賤糴復貴糴三倍飽其欲官曹俸糴入家
室賴以育今賣鮮利息後買艱升斛是謂恩支米官禍
商之福我聞為長吁疇咨當手束憤懣無良方孟子昔
誦讀每人而悅之惟日亦不足

暖

清暉氣向融景淑古盤中染徧楊絲綠催齊杏蕊紅嵐
光方淡蕩雲影忽西東欲換春衫未還防松下風

千相寺

言入翠微峯遂造初禪地山深無不佳草廬亦可憩幽
芳吐瓶花古篆消香穗指揮開窓戶颯然清風至萬景
紛向參一惟領以意

夜雨

山雲向晚生藹藹萬峰競入夜枕上寒淅瀝隔窓聽幽
響曲澗增潤意連林凝清切且無眠遙為三農慶

曉晴

曉晴山有態楚楚冶粧新已是明如畫猶然迴出塵潤
含林露重香遍埭風頻花騁春雲夢飛卿句果神

萬松寺

明發事清遊石磴盤玉馬始出峭徭顛原自菁蔥下田
盤到處佳萬松我心寫寺樓坐空翠天籟披瀟灑揚馬

不能從迴顧和者寡

盤谷寺

雲罩猶天半鐘聲落澗遲稍留清蹕憩得句便前移

登雲罩寺定光塔作歌

雲山有神助會者得其宗團團瑪瑙盤中有一朶青芙
蓉無量壽佛卅字胸坐蓮花鬚者其壽盡與無量壽佛

同今日登臨亦如是稍涉言象究竟未離

去聲

凡夫蹤歌

畢天風吹我馬隱有山靈謂我者何必更與六和報恩

較高下

上方寺

雲罩威紆石路盤上方始到愜清歡一龕古佛鐘魚寂
半榻天風衣袂寒竒句不期當境得好山常似逆人看
芑芻六度知初品道左殷勤異悉檀

梵典施舍云悉檀般若六度中為第一

一品也

題鄒一桂盤山圖

春雲欲出山濛濛山乎雲乎將無同變態萬狀難為工

若人意會神以通煙巒莫遁冥搜窮妙解要在得其宗
奚問丘壑石與松五日清遊一覽中扈蹕不孤冒春風
王洽潑墨應齊踪

池上居

崇椒得稍平有水一池清坐領滄浪意遠祛塵俗情烟
嵐朝暮出荇藻短長橫飲鶴翩來去遊魚結友生

靜寄山莊返蹕之作

田盤五日暢清遊餘興猶賒賞已酬古有名言戒忘返

我無他善勉先憂前旌高下徐盤騎迴首菁蔥尚注眸
遇便重來緣路近武林不比要詩留

西嶺

西嶺盤之西問景曾未經由茲至蟠龍

山名有行宮

云近廿

里程羊腸雖紆巖跋馬猶堪登拂曙披煙蘿露濃花木
馨雲罩莫衡高巖松辨層青須臾海日出玉柱標銅鉦
放眼得奇觀萬象俱光明

上巳

杏村柳墅景和韶芳甸行春不覺遙鏡裏山陰思去歲
詩中上巳值今朝城連平谷出青樾塔望田盤隱碧堯
何必流觴脩禊事更從繭紙慕龍跳

順義縣行宮作

路便偶一經素尚饒雅概息遊旣足適何用更雕績展
卷讀我書則古每不逮新月纔窈窕春雲復靉靄落花
飄晚庭如識有人對

過清河

潞河啓蹕轉清河半月春巡愜賞多遍隴來年芄帶露
連郊芳草綠生波輿梁近指橫銀竦雲罩迴看隱翠螺
鵝鷺趨迎清道左先詢米價比如何

詣

暢春園問

安

巡旌歷數日

寢門缺溫清歸省仰

和豫抃躍有餘慶詎惟反必面實以通乎性塞上待秋
清

安輿侍覽勝

季春圓明園作

載止行時蹕言旋上林苑上林春正佳芳菲接近遠我
志不在茲切切有所思臨御十七載惕勵無已時未能
免水旱遑云致皞熙邊境幸敕寧慮文恬武嬉戶口幸
日增慮艱食無衣俗儘有奸伏野寧無賢遺撫躬一再

省此咎其諉誰

口號

寬嚴因物付剛柔敷政優優百祿適有意寬嚴期並用
是為子莫執中流

題張宗蒼山水畫歌

從來詩畫要法古不貴形似貴得神藝苑於今誰巨擘
中吳宗蒼真其人潑墨作此山水幅倪耶黃耶且謾論
生風疊樹鬱蔥蒨吐雲絕壁堆嶙峋是人畫中有警句

尋常點筆頗能賦試看縈青繚白閒雅是冥搜竒賞處
命意布景皆合宜箇中棲遲者阿誰非容成公即安期
而我惟日勤孜孜空羨若輩亦奚為

王蒙水亭讀書用圖間題者韻

水面孤亭絕世塵讀書人盡十分春分明黃鶴留清照
欲閱滄桑劫後人

短歌行

折蒲莫折柳折柳傷離久種穀莫種竹種竹難期粟佐

金日人卷三十一
癯者嘗佐鬪傷世間得失曷有常大言炎炎小言詹詹
責人也詳責已也廉

花雉行題余省所畫

東風吹綻紫藤花花下雙雉毛羽華雝侶顧步適其適
意改忽上松槎枒松藤故自分蒼嫩雌雉逐逐雄雉雋
無何花落松依然雙雉彳亍沙痕印法常宋僧寫生擅流

輩草草但取無人態徐黃膠粉復太工院本習氣刻楮
同余省權衡得其中理趣神解參無窮

長歌行

一滴之露上通蒼天一滴之水下及黃泉表章先哲賴
後賢發揮奧理在目前谷有時而陵巍岸有時而谷頽
不逆不億抑亦知幾人情翻覆甚於奕碁不動聲色坐
照無遺微斯人兮吾誰與歸

梁甫吟

卧龍耕南陽好為梁甫吟二桃殺三士扼腕為傷心或
誇晏子智不以聲色臨計功勇無禮彼死皆自尋腹劍

利干將詎非險且陰寬柔以教之不報無道侵毫釐千里謬古有何獨今

自昆明湖泛舟進宮

吉亥言將耕藉田法宮返蹕致齋先昆明一水通西直
好趁春波試放船

開渠蓄水利農功繡錯溪田澤國同餘事何妨隨點綴
綠楊隄間杏花紅

雁橋蝸舍解逢迎遠暎西峯畫障橫恰憶去年臨上巳

山陰一棹鏡中行

題樂善園

樂善始康邸

國故康親王別業也

取義東平蒼結構逾綠野勝國

為皇莊鼎革屬故藩百載移星霜宴遊既冷落草樹就
蕪荒亭榭早無存半立餘頽墻地鄰長河岸來往泛煙
航憑眺念興廢為之長慨慷稍命復其舊芟穢疏汙塘
室宇何須多足令供徜徉迴池日以清春翹日以芳由
來歲月深峭蒨增林光人工久斯敝天然久益彰艤舟

一來憩妙理參幻常園名仍舊稱況我曾顏堂遊心惟
竹素永言誌其詳

絳雪軒海棠

籍典春行命蹕迴御園問景一徘徊似緣翠館今朝幸
不約東風特地開綴玉有詩笑桃李蕊珠何處惹塵埃
丁寧嶰雪枝頭駐莫便尋常點綠苔

風

獲雪報山右得雨報山左北省似今年農畝庶其哥暮

春之上旬終風日顛簸縱未致旱形先事已看鎖歲有
閔雨詩幸茲或假我而仍不能免命筆意頗愴此即諱
灾心自咎甚不可

夜雨

風霾適日頻正愁旱象作傍晚復彭盛跼蹐靡惕若無
何勢少却油雲催雨脚浙洒漸入夜繁憂變慰樂惟虞
欠霑足無眠屢量度問我何亟亟曰此民命託

豐澤園演耕

春暮西園屆演耕土膏動處物勾萌勤農知稼承
家法謾擬惟循典故行

夜雨雖微足浥塵潤含煙柳綠絲新西山又見英英吐
優澤惟期近遠勻

太液東風送畫船到來京兆奉絲鞭盛儀略較

農壇殺去聲漢典由來有弄田

農衣農具錯綜陳意在毋忘農苦辛瞥眼迴思成隔歲

昨年江國為觀民

去歲未曾
耕藉故云

暮春遊瀛臺即景言志

三壺何窈窕云在滄海中鞭石橋難就樓船路未通
自此慕仙者驚望徒希踪何來液池內名境依稀同
延樓既崔嵬假山亦玲瓏四表達仙籟百世鬱喬松
作者殫其力來者享其逸仍不免經營要取善繼述

澄瀛漾白芷春風敷其芳瞻彼泱泱波有來迴雁翔
遵陸步蘭蹊得我讀書堂眄懷沂上點詎擬山陰王
名教樂無數匪事逞相羊

大學士高斌七十壽辰詩以賜之

早參黃閣侍金鑾晚覺扶鳩步履難
卧理藉卿為保障成功告我永安瀾
讀書未解平生志益壽何須九轉丹
黃髮皤皤在朝衆勤勞軫念久河干

夜雨再作

徹夜徐聽三月雨北方似此近年無
如膏恰繼前朝澤舉耜行臨千畝區
簷齒水珠不斷滴枝頭鳩鳥尚頻呼
慰餘轉復增縈念千里王畿可遍濡


欽定四庫全書

御製詩二集

卷三十一

五

御製詩二集卷三十二



總校官庶吉士臣侍朝

校對官檢討臣王鍾健

謄錄監生臣蔣予林